

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 12. stav (4). Zakona o osnovnoj školi ("Službene novine Zeničko-dobojskog kantona", broj: 3/18), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 143. sjednici, održanoj dana 14.05.2018. godine, d o n o s i

RJEŠENJE

o imenovanju Komisije za procjenu saobraćajne ugroženosti učenika na pripadajućem školskom području u osnovnim školama na području Zeničko-dobojskog kantona

I.

(1) Imenuje se Komisija za procjenu saobraćajne ugroženosti učenika na pripadajućem školskom području, u svim osnovnim školama na području Zeničko-dobojskog kantona, u sastavu :

1. Rasema Sarić, predsjedavajuća (Ministarstvo za obrazovanje, nauku, kulturu i sport),
2. Darija Kuhar, član (zamjenica predsjedavajuće), (Ministarstvo obrazovanje, nauku, kulturu i sport),
3. Mujo Kućanović, član (Ministarstvo za obrazovanje, nauku, kulturu i sport),
4. Nebojša Vasiljević, član (Ministarstvo za obrazovanje, nauku, kulturu i sport),
5. Fehim Humkić, član (Ministarstvo za prostorno uređenje, promet i komunikacije i zaštitu okoline).

(2) Za sve administrativno-tehničke poslove rada Komisije iz stava (1) ovog rješenja, imenuje se Jašarević Nermina, viši referent za administrativno-tehničke i ekonomske poslove u Ministarstvu za obrazovanje, nauku, kulturu i sport.

II.

Imenovani članovi Komisije iz tačke I. ovog rješenja, dužni su da prilikom obrade zaprimljenih i obrazloženih zahtjeva od strane osnovnih škola vezanih za odobravanje dodatnog prijevoza za učenike-pješake osnovnih škola na pripadajućem školskom području, a koji stanuju na udaljenosti manjoj od pet (5) kilometara u jednom pravcu, postupaju u skladu sa pravilima saobraćajne struke, a posebno:

- a) Da daju obrazložena mišljenja u pogledu procjene ugroženosti sigurnosti učenika-pješaka na relacijama prijevoza čija je udaljenost od mjesta stanovanja do škole ispod pet (5) kilometara u jednom pravcu, u svim osnovnim školama na području Zeničko-dobojskog kantona, (u skladu sa odobrenim službenim Daljinarom Zeničko-dobojskog kantona), sa ciljem odobravanja uvrštavanja takvih relacija u postupke javnih nabavki za usluge prijevoza učenika za tekuću godinu.
- b) Da u saradnji sa direktorima osnovnih škola sačine i prema iskazanoj potrebi, redovno ažuriraju spisak učenika koji se prevoze na relacijama koje su ispod pet (5) kilometara, a čije je stvarno mjesto stanovanja od škole, udaljeno preko pet (5) kilometara u jednom pravcu.
- c) Da u postupku rješavanja novih zahtjeva za prijevozom učenika osnovnih škola na relacijama koje su ispod propisanih pet (5) kilometara u jednom pravcu, a prije donošenja konačne odluke od strane Vlade Kantona, dostave obrazloženo i potpisano mišljenje resornom ministarstvu na daljnje postupanje u skladu sa istim.

III.

Rješenje stupa na snagu danom donošenja.

Broj: 02-_____/18.

Datum, 14.05.2018. godine

Z e n i c a

DOSTAVLJENO:

1x Ministarstvu za obrazovanje, nauku, kulturu i sport,

1x Imenovanim, putem ministarstva,

1x Ministarstvo finansija,

1x a/a.

PREMIJER

Miralem Galijašević